



PARTANGIANGAN LINGKUNGAN PAMUHAI

HKBP PANSURAN RES PANSURAN

Rabu, 18 Februari 2026

1. Joujou Mamuji Debata (U=Uluan; H=Huria)

U : Tabe ma di hamu nanihaholongan di bagasan Kristus Jesus. Borngin on buhaanta ma Partangiangan Lingkungan di hurianta, HKBP Pansuran di taon 2026 on. Ita rajumi Tuhanta do na patolhas hita huriaNa tu taon on bolas mamonai partangiangan on. Alani taparhatopot ma:

H : **Asi ni rohaM sambing do ale Tuhan na patolhashon hami on. Sai lohottu Ho ma rohanami ale Tuhan, jala sai tangan siamunMi ma na tongtong manogu hami.**

U : Songon parsorin ni angka partingkian, songon i do marsorin angka ari, bulan dohot taon di hita. Alai anggo Tuhanta Sitolu Sada i, hot do salelenglelengna.

H : **Asi ni rohaNa pe hot do salelenglelengna, alani i tama do pujionta Ibana.**

U : Antong, andorang so jojur jabu hita marsaor dibagasan hata ni Debata, tapungka ma Partangiangan Wijk Pamuhai di borngin on. Tapuji ma Tuhanta sian nasa rohanta!

2. Marende BE No. 125 : 1 – 2 “Marlas Ni Roha Hita On”

♪ Marlas ni roha hita on, mamuji Debata. Ai asi ni rohaNa i do bongot tu rohanta i. Umbaen nuaeng mardomu i, dison sadari on, dison sadari on.

(jongjong)

♪ Dibahen i manggogo be ma hita on sude. Mamuji Tuhan Jesus i, Parasiroha godang i. Sibaen las ni rohanta i, nuaeng nang sogot pe. Nuaeng nang sogot pe.

3. Votum – Introitus – Tangiang

U : Marhitehite Goar ni Debata Ama dohot Goar ni AnakNa, Tuhan Jesus dohot Goar ni Tondi Parbadia, na tumompa langit dohot tano on. Amen. Songon panghalungunhon ni ursa di aek na tio, songon i do panghalungunhon ni tondingku tu Ho, ale Debata.

H : **Mauas do tondingku di Debata na mangolu i, andigan pe tolhas au asa huida bohi ni Debata?**

U : Ale Tuhan, sai Ho ma haporusannami marsundutsundut. Haleluya! Martangiang ma hita: Ale Tuhan Debata, Pargogo na so hatudosan! Holan ala ni asi ni rohaM sambing do, umbahen na terbahen hami marpungu di joloM marsada ni roha martangiang tu Ho. Diparbagabaga Ho do dibagasan hataM, molo adong dua manang tolu halak marpungu

marhitehite GoarMu, lehononMu do na pinangidonasida. Na mandok mauiliate do hami tu Ho sian nasa rohanami, ala ni saluhut pambahenanMi na tu hami huriaM. Asi ma rohaM, sai lehon ma roha na girgir di hami laho tumangihon hataM, asa tarbahen hami mangihuthon Ho di pardalanan ni ngolunami. Patau saluhut ruas ni huriaM manghalashon program ni huriaM di taon 2026 on. Tumpahi ulaon ni ruasMi asa dihamauiliatehon i marhite parsaoan dohot Ho di angka Partangiangnan Lingkungan, asa tung marsitutu hami mangoloi Ho di bagasan haporseaon na ture. Sai patupa ma i di hami marhitehite Tuhan Yesus Kristus, Anak haholongan ni rohaM. Amen.

(hundul)

4. Renungan Patupahon Partangiangnan Wijk

U : Hataridaan ni parsaoan na mangolu dohot Debata, i ma ngolu partangiangnan. Nandang mansohot dipatubegehon tu hita barita ni Kristus i, asa unang mandao rohanta sian Ibana. Songon i do dipatupa angka na porsea i di huria na parjolo. Didok di Ulaon ni Apostel 2:46 “Ganup ari do nasida tongtong saroha di bagas joro i, jala jojo jabu do nasida marulaon na badia, marlas jala marbulus ni roha nasida marsipanganon.”

H : **Songon parsitutuon ni si David di parsaoanna dohot di parungkilonna, songon i ma diigil sian hita di parngoluonta dohot di partangiangonta, na mandok: Ai Jahowa do siparmahan au, Ibana patudu dalam sidalananku.**

U : Di na martangiang hita, disi do hita mangido gogo dohot pangurupion ni Debata, ai ndang ala ni gogonta umbahen boi hita sonang mangolu jala boi mangula ulaonta. Na mardalan tu jolo do ngolunta jala mangadopu lan hamaolon. Alani pardalananta na gok hamaolon i, ringkot do di hita gogo, pos ni roha, dohot habengeton. Ingkon parhatopotonta do na so mura hita mangadopu angka paraloan ni ngolu i; holan mardonganhon Debata do hita boi manghamonanghon i.

H : **Songon panghalungunhon ni ursa di guluan, songon i do panghalungunhon ni tondingku tu Ho, ale Debata. Ai ndang manahan au manghamonanghon paraloan ni ngolungku, molo ndang hataM na pasabam ahu.**

U : Partangiangnan ndada holan rutinitas manang na marpungupungu sambing. Di partangiangnan i do boi hilalaonta na Tuhan i do na tapangasahon. Taingot ma na masa tu bangso Israel; satongkin sambing do ndang manghatai si Musa tu nasida, nunga manimbil nasida maninggalhon Debata, dipature jala digana “debata tuangan” gabe debatana. Taboto ma, molo ndang marsaringar be hata ni Debata tu

sipareonta, mago ma hita. Alani itapeop ma hata on: "asa sian na tumangihon do ro haporseaon: ia panangihonon i, sian hata ni Kristus do".

H : Lam togu ma haporseaonta jala lam sumurung di ulaon ni Tuhan i. Taboto ma, ndang magopo halojaonta di bagasan Tuhan i.

U : Lam taharingkothon ma ulaon partangiangon, ala ndang tarpangasahon hita dirinta jala tahlala ma na hurang do hita di adopan ni Debata. Ringkoti hamu ma asa didapothon Ibana hamu so martihas, so hasurahan, di bagasan dame!

H : Songon panghalungunhon ni ursa di guluan, songon i ma tondingku dohot pamatangku manghalungunhon partangiangon pinatupa ni huria.

5. Marende BE No. 424 : 1 – 2

"Soara Ni Tondi"

♪ Soara ni Tondi ni Tuhanta i, jotjot dilaosi, ditulak ho i. Sai tanda jeamu, pauba roham. Dapothon Tuhanmu, sisesa dosam.

♪ Marunduk ni roha topoti sude, pambaanmu na torbang, jengkelmu sude. Pasahat tu Jesus sandok dirimi. Sai tong pasunggulhon panghophopNa i

6. Epistel : Andung 3: 49-57

U : Turpuk Epistel di Partangiangon Pamuhai di borngin on tarsurat sian **Andung 3: 49-57**, Sai mabakbak do iluilu ni matangku, ndang marpansadian, ndang marhasonangan.

H : Paima manatap manonggor Jahowa sian banuaginjang.

U : Matangku paholso rohangku taringot tu saluhut boru ni hutangku.

H : Sai dipaburuburu musungku do ahu songon pidong, soada paralaan.

U : Nunga direndephon nasida ngolungku di bagasan godung, lam ditompashon dope batu tu ahu.

H : Nunga pola disalpu aek ulungku, pola hudok: Tos ma annon hosangki.

U : Jadi hupajoujou ma goarmu, ale Jahowa, sian godung apala na bagas i.

H : Ditangihon ho do soarangku, unang tung padao pinggolmu sian hoihoingki dohot sian angguhanggukki.

U : Jonok do ho di ari uju na joujou ahu tu ho, nimmu do: Unang ho mabiar!

I do sahatna. Martua do angka na tumangihon Hata ni Debata, jala na umpeopsa. Amen.

7. Koor: a. Parompuan Gabungan b. Lingkungan Pardomuan

8. Tangiang Pangondianon

9. Koor : a. Lingkungan Hutadame b. Lingkungan BKS

10. Marende BE No. 743 : 1 – 2 “O Tuhan Togutogu Ma Au”

♪ O Tuhan togutogu ma au, tu dalan lomo ni rohaMi. Raphon Ho sonang mardalan au, nang rahis maol sidalananki. TondiMi baen manggoi au on, margogoihon au naposoMon. Pasangap Ho di ngolungkon, paima sahat tu Surgo au on.

♪ Panghulingi ma au O Tuhan, na rade tumangihon hataM. Sai tumpahi ruasMu Tuhan, na uasan nuaeng di hataM. Sai patau ma au on naposoM, manjou halak na dao sian Ho. Rodi na so tumanda Ho, muba gabe pangoloi di Ho.

11. Jamita : Matius 4: 1-11

12. Marende BE No. 458 : 1 – 2 “Barita Na Ummuli”

♪ Barita na umuli i na sian Tuhan Jesus. Sai i do margogoihon au nang arsak pe hubolus. On mangapuli rohangki: Sai Tuhanki na basa i do donganki.

♪ Ai ndang adong di rohangki na so hinilalaNa. Ditanda hagaleon i nang pe so dung marsala. Hujalo hamonangan i, ai Tuhanki na basa i do donganki.

13. Marende BE No. 758 : 1.. “Jahowa Pangurupi”
(Papungu Pelean)

♪ Jahowa pangurupi di siulaonmi dilehon pos ni roha di ganup tingki i. Nang pe sipata ganggu haporseaonmi, jamot tongtong Tuhanmu manjaga ngolumi.

♪ Jahowa las ni roha saleleng ngolumi. Ibana haroroan ni nasa na uli. Ai disarihon Jesus sude na ringkot i. Halashon panoguon ni Jesus Tuhanmi.

♪ Jahowa pandongani di na porsea i. Ibana patuduhon nang sidalananki. Asa marolopolop ho di ujungna i. Ibana do donganmu nuaeng nang sogot i.

14. Penutup: Tangiang Pelean – Tangiang Ale Amanami – Pasupasu